

2025-mi akileraarutitigut naligiissaarinnissaq aamma kommuninut ataatsimut akileraarutip agguataarneqarnissaa pillugit Namminersorlutik Oqartussat nalunaarutaat

Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi, kingusinnerusuk Inatsisartut inatsisaatigut nr. 65, 20. november 2023-meersuk allangortinneqartumi § 41 aamma § 42, imm. 2 naapertorlugit aalajangersarneqarput:

§ 1. Kommunini inummut ataatsimut agguaatigiissitanik akileraarutitigut isertitat assigiin-ngissutaasa naligiissarneqarnissaannut aammalu kommuninut ataatsimut akileraarutip agguataarneqarnissaanut kommunit ataani taaneqartut 2025-mi ima tapiissuteqarfigineqassapput:

- 1) Kommune Kujalleq: 128.408.000 kr.-t
- 2) Kommuneqarfik Sermersooq: 106.975.000 kr.-t
- 3) Qeqqata Kommunia: 131.886.000 kr.-t
- 4) Avannaata Kommunia: 196.502.000 kr.-t
- 5) Kommune Qeqertalik: 136.562.000 kr.-t

Imm. 2. Tapiissutit Nunatta Karsianit akilerneqartassapput qaammatini tamani 1/12-imik qaammatinut ataasiakkaanut tapiissutinut agguagassanut tapertaliullugit.

§ 2. 2025-mi kommuninut ataatsimut akileraarummit agguataagassaapput 583.908.264 kr.-t kiisalu iluarsissutit, tak. imm. 3, ukioq 2015-imi -55.662 kr.-t, ukioq 2017-imi -51.328 kr.-t, ukioq 2018-imi -86.208 kr.-t, ukioq 2019-imi -34.460 kr.-t, ukioq 2020-mi -346.094 kr.-t, ukioq 2021-mi -2.184.598 kr.-t aamma ukioq 2023-mi 119.183.412 kr.-t, katillugit 700.333.326 kr.-t.

Imm. 2. Kommuninut ataatsimut akileraarut nunamut tamarmut akileraarutip akilersorneqar-tarneratut Nunatta Karsianut akilersorneqartassaaq.

Imm. 3. Kommuninut ataatsimut akileraarummit isertitat kisitsimmit imm. 1-imi aalajangersarneqartumit allaaneruppata, nikingassut ukiumi tulliuuttumi kommuninut ataatsimut akileraarutitip agguataarneqarnerani iluarsissutigineqassaaq.

§ 3. Nalunaarut 1. januar 2025-mi atuutilissaaq.

Erik Jensen (atsior.)

Aningaasaqarnermut Akileraartarnermullu Naalakkersuisoq

/ Nikolai S. Christensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut